



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10092

ՀՐԱՆՑՆԵՐԻ ԱՐՇԱՆՆԵՐԻ

Մ
Ա
Ն
Ի
Մ
Բ
Բ

ԿՈՂՈՆԵՆ
Ե. Ք.

297

Ք-83

03 NOV 2009

Ք-83

990

Ա-29

ՀՐԵՏ. ՅՈՎՀԵՆՆԵՍ ԿՐԸՄԵՆԵՑԻ

PA
71617

Մ Ա Հ Մ Ե Ռ

Կ Ա Ձ Մ Ե Ց
Ե. Ք.

2 պատկերով



Ա. Լ. Բ. ՍԱՆՏՐՈՒԳՈՒ
Սրբազանիպ-Տպարան Կալիստակոնցի
1901




3089
3087

19.04.2013

Дозволено цензурою С.-Петербурга. 11 Октября 1901 года.



1492
41 | 1447-98





ՄԵԶՄԵԴ



ահմեդականութեան կամ ուրիշ խօսքով ասած՝ Իսլամի* Հայրենիքը Արաբիա մեծ թերակղզին է, որը ընկած է Կարմիր ծովի, Պարսկական ծոցի և Հնդկական օվկիանոսի մէջ տեղը:

Այդ երկրի բնակիչները—արաբները ծագել են Զոկտանից**, որը Սեմի (Նոյի որդի) չորրորդ սերունդն էր: Զոկտանի Եարաբ որդին Հիմնեց Նմէնի թագաւորութիւնը, իսկ միւս որդին Զուրհամը Հիմնեց Հեջազի թագաւորութիւնը: Զուրհամի ժառանգները բաւական երկար ժամանակ իշխեցին և դրանք էին, որ Հիւրընկալեցին Հագարին և Իսմայէլին, երբ Աբրահամը նրանց իր տանից արտաքսեց:

Իսմայէլը ամուսնացաւ Զուրհամեան տոհմի Մոդադ իշխանի աղջկայ Հետ և այդ ամուսնութիւնից ծնան 12 որդի, որոնք տէր դարձան ամբողջ երկրին և ջնջեցին անհետացրին Եարաբի

* Իսլամ—նշանակում է Աստուծոն անձնատուր լինել

** Տես գիրք Տնկոյց Մովսիսի Ժ. 25—30

յաջորդներին: Մրանց սերունդը, հետզհետէ աճելով, տարածուեց գրեթէ ամբողջ թերակղզու վրայ և զանազան մեծ ու փոքր պետութիւններ կազմեց: Մրանք սկզբում Իսմայէլացիներ, իսկ յետոյ Արաբներ կոչուեցան, գրաւեցին բարեբեր հովիտները, շինեցին բազմաթիւ քաղաքներ, բերդեր և սկսեցին պարապել երկրագործութեամբ, անասնապահութեամբ ու վաճառականութեամբ: Արաբների մի մասն էլ գերագաս համարեց թափառական կեանքը:

Բոլոր արաբները բաժանուած էին բազմաթիւ մանր ցեղերի, որոնցից իւրաքանչիւրն իր առանձին



Ա Ր Ա Բ

շէխը կամ էմիրն ունէր: Էմիրի վրանի առաջ միշտ ցցուած էր լինում մի նիզակ, որ նշան էր նրա իշխանութեան: Նրա պարտականութիւնն էր կառավարել իր ցեղը, առաջնորդել նրան զէպի պատերազմ

ընդունել անուանի հիւրեր և այլն և այլն:

Արաբական իւրաքանչիւր ցեղ ունէր իր երկրպագութեան առարկան—կուռքը: Շատ տարածուած էին սաբէական և մոգական կրօնները: Քացի զրանից Արաբիա մուտք էին գործել նաև քրիստոնէական և մովսէսական կրօնները, որոնք սակաւաթիւ հետևողներ ունէին:

Հին ժամանակներից սկսած Արաբիայի գլխաւոր քաղաքն էր Մեկկան, որ առաջին տեղն էր բռնում թէ իր վաճառականութեամբ և թէ մարդաշատութեամբ: Նանշանաւոր էր նաև իբրև սըբբատեղի, որովհետև իր մէջ պարունակում էր բոլոր արաբների սրբութիւնը — Քեաբէն, որը իբր թէ շինած է Իսմայէլի ձեռքով, Պաբրիէլ հրեշտակապետի օգնութեամբ: Քեաբէն խորանարդաձև մի շինուածք է, որի մէջ զետեղուած էին 360 տեսակ կուռքեր. սակայն իբրև սրբութիւն առաջին տեղն էր բռնում Սև քարը, որի մասին արաբական ավանդութիւնը պատմում է հետևեալը.

—Երբ Իսմայէլը անդադար տանջուելով շարում էր Քեաբէի պատերը, այն ժամանակ երկնքից իջաւ Պաբրիէլ հրեշտակապետը և նրան մի քար յանձնեց: Այդ քարը այն հրեշտակն էր, որը կանգնած էր գրախտում՝ Ագամի վրայ հսկելու և որը իր անհոգութեան համար քար էր գարձել: Իսմայէլը երկիւղածութեամբ ընդունեց երկնքից ուղարկուած քարը և գրեց Քեաբէի դրսի պատի մէջ, ուր մնում է մինչև այժմ: Այդ քարը իբր թէ սկզբում սպիտակ լակինթանման է եղել, բայց հետզհետէ սևա-

ցել է անարժան մարդկանց համբույրներից: Յարու-
թեան ժամանակ նա նորից իր նախնական գոյնը
կստանայ և երկինք կբարձրանայ, որպէսզի վկայե-
թէ ո՞վ ինչպէս է կատարել ուխտագնացութեան
ծէսերը:

Ահա այդ աւանդական հաւատն էր, որ նոյն իսկ
հեռաւոր տեղերում ապրող արաբներին ստիպում էր
գէթ մի անգամ այցելել Մեկկան, համբուրել խոր-
հրդաւոր Սև քարը և ջուր խմել Զէմ-Զէմ աղբիւ-
րից, որը մի ժամանակ յագեցրել է իրանց նախահօր
Իսմայէլի ծարաւը:

Թէև Արաբիայի առանձնացած դիրքը և լայնա-
տարած անապատները բնակիչներին պաշտպանում
էին արտաքին թշնամիներից, օտարի լծից, բայց և
այնպէս պատերազմները անպակաս էին, որովհետև
բազմազան և բազմաթիւ ցեղերի մէջ չկար սէր, մի-
աբանութիւն և ընդհանուր կրօնական կապ: Այդ-
պիսի դրութիւնը բաւական երկար տևեց, ներքին
երկպառակութիւններն աւելի ու աւելի յաճախ կըր-
կնուեցին, մինչև որ վերջապէս հասաւ այն ժամա-
նակը, երբ անմիաբան ցեղերը մի հաւատով պիտի
կապուէին և մի գաղափարով տոգորուէին: Հար-
կաւոր էր միայն մի հանճարեղ ձեռք, որ ջլատուած
անդամներն իրար հետ միացնելով, մի գօրեղ և ա-
հարկու մարմին կազմէր: Ահա այդ ոյժը, այդ հան-
ճարեղ ձեռքը եղաւ անապատի մեծ մարգարէն—
Մահմեդը: Արաբական ցեղերին միացնող օղակը
գարձաւ նրա կրօնը—Իսլամը:

II.

Իսլամի հիմնադիրը—Մահմեդը ծնուել է Արա-
բիայի Մեկկա քաղաքում—570 թուականին: Նրա
պապը՝ Աբդալ Մոթալէբը Քեաբէի վերահսկիչն էր
և մեծ յարգանք էր վայելում ամբողջ Մեկկայում:
Աբդալ Մոթալէբի գաւակներից մէկը—Աբգուլլահը
ամուսնացաւ գեղատեսիլ Էմինայի հետ և այդ ա-
մուսնութիւնից ծնաւ Մահմեդը:

Մահմեդականների մէջ գոյութիւն ունի մի
աւանդութիւն, որը պատմում է, թէ մարգարէի
ծննդեան ժամանակ երկինքը լուսաւորուեց, Սևա լի-
ճը ավերից լետ ու լետ քաշուեց, Տիգրիս գետը
հեղեղեց շրջակայքը, պարսից Խոսրով թագաւորի
ապարանքը հիմքից ցնցուեց, աշտարակները կոր-
ծանուեցին և նորածին երեխան, ձեռքերն երկինք
բարձրացնելով, բացականչեց.

—Մեծ է Աստուած, չկայ Աստուած բացի Աստծուց
և ես նրա մարգարէն եմ:

Այդ օրուանից անցաւ երկու ամիս: Մահմեդի
հայրը մեռաւ և այդպիսով դեռահաս մանկիկը
մնաց մօր հսկողութեան տակ: Սակայն բաղդի չար
հարուածը միայն դրանով չբաւականացաւ: Մի ան-
գամ Էմինան իր վեցամեայ որդու հետ գնաց Մե-
դինա անգղականներին տեսնելու և վերադարձին
մեռաւ: Նրան թաղեցին Աբուա գիւղի մօտ, Մեկ-
կայի ու Մեդինայի մէջ տեղը և այդ գերեզմանը սպա-
գայում սիրալիր ուխտագնացութեան տեղ դարձաւ

Մահմեդի համար:

Որբացած Մահմեդը մնաց իր պապի—Աբդալ Մոթալէբի և հօրեղբօր—Աբուլթալէբի հովանաւորութեան տակ: Կրանք էին նրա դաստարակիչները, նրա հեռադէտ միտքն ու վառվառն երևակայութիւնը զարգացնողը: Մի կողմից դրանց ազդեցութիւնը, միւս կողմից Քեաբէ ուխտ եկող արաբների հետ ունեցած շփումը աւելի ու աւելի ընդլայնեցին Մահմեդի բնատուր ընդունակութիւններն ու քննասիրական ոգին և շնորհեցին նրան մանրամասն ծանօթութիւն արաբական ծէսերի ու հաւատալիքների մասին:

Նա դեռ 12 տարեկան էր, երբ վաճառականական գործերով հօրեղբօր հետ գնաց Սուրիք: Այդ երկար ճանապարհորդութեան ընթացքում նրա վառ երևակայութիւնը հարստացաւ բազմազան տեսարաններով, առասպելական աւանդութիւններով և արաբների բնորոշ պատմուածքներով... Ճանապարհին կարաւանը կանգ առաւ Յորդանանի մօտ գրտնուղ Բօսրա շուկայում, որտեղ նեստորականների մի վանք կար: Այդ վանքում Մահմեդը ծանօթացաւ Բահիրա անունով մի կրօնաւորի հետ և իրան յատուկ հետաքրքրութեամբ սկսեց հարց ու փորձ անել զանազան կրօնական խնդիրների մասին: Կրօնաւորը հիացել էր Մահմեդի քննասիրութեան և խելքի վրայ և մեծ հրճուանքով բաւականութիւն էր տալիս նրա ամեն մի հարցին: Ընդհանրապէս ամբողջ ճանապարհորդութիւնը և յատկապէս այդ կրօնաւորի հետ ունեցած խօսակցութիւնը մեծ չա-

փով ազդեցին Մահմեդի վրայ: Մի քանի տարուց յետոյ նա նորից այցելեց Սուրիքը, Եմէնը և ուրիշ հեռաւոր երկիրներ: Այդ միւսնոյն ժամանակաշրջանում նա իր ազգականների հետ մասնակցում էր զանազան արշաւանքների և միշտ էլ աչքի էր ընկնում իր ճարպիկութեամբ ու քաջութեամբ: Վերջապէս 18 տարեկան հասակում նա գործակատարի պաշտօն ստացաւ մի այլի կնոջ—Քադիջայի մօտ:

Հարկաւոր է նկատել, որ մահմեդականութիւնից առաջ արաբացի կիներ վայելում էր կատարեալ ազատութիւն: Նա երեսը չէր ծածկում չադրայով, չէր ճնշում օտարի ներկայութիւնից և ընտանեկան ամեն մի հարցում նոյնքան անկախ ու ինքնակամ էր, որքան և տղամարդը: Այդ հանգամանքի շնորհիւ կանայք այրիանալուց յետոյ էլ կարողանում էին կառավարել որբացած ընտանիքը, շարունակել նոյն իսկ ամուսնու առևտրական գործերը: Ահա այդ տեսակ կանանցից էր և Քադիջան:

Մահմեդի առնական գեղեցկութիւնը և մտաւոր ձիրքը օրէցօր գրաւում էին Քադիջայի սէրը... Վերջապէս բանն այնտեղ հասաւ, որ նա ամուսնացաւ Մահմեդի հետ և այդպիսով վերջինս յանկարծակի մեծ հարստութեան տէր դարձաւ: Ամուսնանալուց յետոյ էլ Մահմեդը շարունակում էր առևտրական գործերը, բայց այլ ևս առաջուայ նման փող վաստակել չէր կարողանում: Նրա ուշքն ու միտքը շարունակ զբաղուած էին կրօնական հարցերով:

Այդ ժամանակաշրջանում Մահմեդի վրայ մեծ ազդեցութիւն ունեցաւ Վարակա իբն Նաուֆալ անուհով մի աստղագէտ հրէայ, որը դաւանում էր քրիստոնէական կրօնը և հին ու նոր կտակարանը թարգմանել էր արաբերէն: Դրանից Մահմեդը ստացաւ իր գիտելիքները Միշնուհի, Թալմուդի և Ս. Գրքի մասին:

Որքան հարստանում էր Մահմեդի կրօնական պաշարը, նոյնքան էլ աւելանում էր նրա զգուանքը գէօղի կռապաշտութիւնը: Նա արդէն այն համոզմունքին էր եկել, թէ անհրաժեշտ է մոլորուած արաբներին ճշմարիտ ճանապարհի վրայ կանգնեցնել, քարոզելով նոր կրօն, ճշմարիտ աստուածապաշտութիւն: Այդ ցանկութիւնը գիշեր ցերեկ տանջում էր նրան: Նատ անգամ նա քաշուում էր Հարասարի քարայրը և այնտեղ քրիստոնէայ ճգնաւորների նման շարունակ աղօթում էր: Նոյն իսկ քնած ժամանակ յաճախ զառանցում էր կրօնական այլ և այլ հարցերի մասին: Վերջապէս, իսլամական պատմաբանների ասելով, քառասնամեայ հասակում Մահմեդը արժանացաւ Գաբրիէլ հրեշտակապետի տեսութեանը: Վերջինս նրան մետաքսեայ մի ծրար յանձնեց և ասաց.

— Բաց արա՛ և կարդա՛:

— Կարդալ չըգիտեմ, պատասխանեց Մահմեդը:

— Կարդա՛ յանուն Աստուծոյ, որ ստեղծել է ամեն բան, շարունակեց հրեշտակապետը. կարդա՛ յանուն Բարձրելոյն, որ սովորեցրել է մարդկանց գրիչ գործածել, որ գիտութեան լոյս է տալիս նրա հոգուն և ուսուցանում է այնպիսի բաներ, որպիսին

նրանք առաջ չգիտէին:

Այդ խօսքերից լետոյ Մահմեդը իր մէջ մի գերբնական ուժ զգաց և կարգաց հետեւեալը.

— Ով Մահմեդ, դու Աստուծոյ մարգարէն ես, իսկ ես նրա հրեշտակապետը:

Այդ ուրախալի յայտնութեան մասին Մահմեդը իսկոյն պատմեց կնոջը, որը մեծ ոգևորութեամբ բացականչեց.

— Ուրեմն այսօրուանից դու մարգարէ ես...

Անցաւ բաւական ժամանակ: Մի անգամ Մահմեդը քնած էր այգում, երբ հրեշտակը բացականչեց վերեկից.

— Դո՛ւ, վերարկուի մէջ փաթաթուածդ, վեր կաց քարոզիր, քո Սրարչին փառաբանիր, սրբի՛ր շորերդ, հեռացիր անմաքրութիւնից, բարի մի լինիր շահասիրութեան համար և միշտ ապաւինիր քո Աստուծուն*:

Հետեւեալ օրուանից Մահմեդը սկսեց քարոզել նոր կրօնը, բայց հէնց առաջին քալափոխում զօրեղ դիմադրութեան հանդիպեց: Երբ նա յայտարարեց, թէ ինքը Աստուծուց ուղարկուած մարգարէ է, ամբոխն իսկոյն հրաշագործութիւն պահանջեց: Քիչ մտածելուց լետոյ Մահմեդը տուեց հետեւեալ բնորոշ պատասխանը.

— Հրա՛ջք էք ուզում... Աստուած Մովսէսին տրուել էր հրա՛ջք գործելու շնորհքը բայց Փարաւոնը հրա՛ջքները հեգնեց, արհամարեց, նրան կախարգանուանեց և այդ բոլորի համար ինքն էլ պատ-

*Վուրան, Սիւրա 74, այեւթ 1-7

ժուեց: Մի՞թէ դուք էլ ուզում էք նոյն պատժին ենթարկուել:

Այդ խօսքերը թէև հանդարտեցրին ամբոսին, բայց հրաշագործութեան պահանջը ապագայում աւելի ու աւելի սաստկացաւ, ուստի Մահմեդը ստիպուած եղաւ դիմել զանազան շինճու միջոցների, որպէսզի իր հետևողներին գրաւէ, իր խօսքըն ազդու դարձնէ: Մի անգամ քարոզելու ժամանակ Մահմեդի ուսին մի աղաւնի իջաւ, մօտեցաւ ականջին և ապա նորից վերև բարձրացաւ: Մահմեդն իսկոյն օգտուեց բարեբաստիկ հանգամանքից և ժողովրդին յայտնեց, թէ այդ աղաւնին Աստուծոյ հրեշտակն էր, որ նորանոր մտքեր յայտնեց իր ականջին:

Մի ուրիշ անգամ նա իր մօտ բերել տուեց մի եգ և նրա եղջիւրի միջից մի ծրար հանեց, որ Ղուրանի մի զլուխն էր պարունակում: Վերջապէս մի օր փորել տուեց գետինը որտեղից մեղբ և կաթ դուրս եկաւ: Նա հանդիսաւոր կերպով յայտնեց, որ Ալլահն է այդ բաները պարգեւում նոր կրօնի հետևողներին՝ իբրև նշան իր առատաձեռնութեան:

Գրեթէ իւրաքանչիւր օր Մահմեդը մի թարմ միտք, մի նորութիւն էր հաղորդում ժողովրդին և միշտ էլ իր յայտնութիւններն համեմում էր երևակայական նկարագրութիւններով: Գրանց մէջ նշանաւոր է մանաւանդ Մահմեդի գիշերային ճանապարհորդութիւնը Մեկկայից—Երուսաղէմ և այնտեղից մինչև «Եօթներորդ երկինք»: Ունկնդիրների

վրայ մեծ տպաւորութիւն թողեց այդ ֆանտաստիքական ուղևորութեան նկարագրութիւնը, որի համառօտութիւնը հետևեալն է.

—Մի գիշեր Մահմեդի մօտ եկաւ Գաբրիէլ հրեշտակապետը, մեծ դժուարութեամբ արթնացրեց նրան և դուրս հանեց տանից: Գուան առաջ կանգնած էր հրաշալի կենդանին՝ Ալ Բուրակը, որը մի ակնթարթում մեծ մարգարէին հասցրեց Երուսաղէմ: Այստեղ Մահմեդը մի խումբ մարգարէներով (Աբրահամ, Մովսէս, Յիսուս) շրջապատուած մտաւ տաճար աղօթելու: Աղօթքի ժամանակ նա տեսաւ իր առաջ երեք բաժակ՝ ջրով, գինով և կաթով լցրած և յանկարծակի մի ձայն բացատրեց դրանց նշանակութիւնը—ջուրը՝ մովսիսական, գինին՝ քրիստոնէական, իսկ կաթը՝ իսլամական կրօնն է: Եթէ նա խմէ ջուրը, կըխեղդուի իր բոլոր հետևողներին հետ միասին, եթէ խմէ գինին, կընկնի մոլորութեան մէջ, իսկ կաթը թէ նրան և թէ նրա բոլոր հետևողներին կ'կանգնեցնէ Աստուծոյ ուղիղ ճանապարհի վրայ: Մահմեդը, իհարկէ, ընտրեց կաթը: Գրանից յետոյ Գաբրիէլ հրեշտակապետի ուղեկցութեամբ նա բարձրացաւ երկինք, որ բաղկացած էր եօթը շերտերից: Առաջինում նրան քաղցրալուր երգերով դիմաւորեցին հրեշտակների բազմաթիւ խմբերը: Երկրորդ երկնքում ընդ առաջ եկաւ Յիսուսը և Յովհաննէս Մկրտիչը, երրորդում՝ Յովսէփ գեղեցիկը, չորրորդում՝ նահապետ Ենովքը, հինգերորդում՝ Ահարոնը, վեցերորդում՝ Մովսէսը և եօթերորդում՝ հեզագէմ ծերունի Աբրահամը:

Վերջապէս դրախտի միջով անցկացնելով, Մահմեդին տարան Աստուծոյ մօտ: Այստեղ Աստուած տուեց նրան մի շարք պատուէրներ և ի միջի այլոց հրամայեց օրական լիտուն անգամ աղօթք անել: Երբ այդ բոլորից լետոյ Մահմեդը վերադառնում էր, Մովսէսը նրան նկատեց և բացականչեց.

— Ծանր է աղօթելը, իսկ քո ժողովուրդը թոյլ խիւղից վերադարձիր Տիրոջ մօտ և խնդրիր պատուէրը մեղմացնել, աղօթքի չափը պակասեցնել:

Մահմեդը լսեց այդ խորհուրդը և վերջ ի վերջոյ Աստուծոց թոյլտուութիւն ստացաւ օրական միայն հինգ անգամ աղօթելու: Իրանից լետոյ նա միւսնոյն ճանապարհով վերադարձաւ Մեկկա, իր բնակարանը:

Ահա այդպիսի երեւակայական, բայց միւսնոյն ժամանակ խորիմաստ յայտնութիւնների շնորհիւ նոր վարդապետութիւնը աւելի և աւելի մեծացնում էր իր հետևողների թիւը: Բայց անձնուէր Քաղիջայի և Մահմեդի հզօր հովանաւորի—Աբու Թալէբի մահից լետոյ Իսլամի բաղդը Մեկկայում նսեմանալ սկսեց:

Մահմեդի թշնամիների մէջ ամենազխաւորներն էին Կորէյջեան տոհմի ժառանգները: Իրանց նիւթական և բարոյական շահերը պաշտպանելու համար դրանք ամեն կերպ աշխատում էին նոր վարդապետութեան առաջն առնել և կռապաշտութեան վարկը բարձրացնել: Վերջապէս դրանք դաւադրութիւն կազմեցին Մահմեդին սպանելու համար, սակայն այդ լուրը ժամանակից շուտ իմացուեց: Մահմեդը Աբուբէքրի և իր միւս հա-

ւատարիմների հետ փախուստի դիմեց և դրանով իր կեանքն ազատեց: Փախստականները երեք օր մնացին Մեկկայի մօտ գտնուած Թոր լեռան քարայրում և ապա գնացին Մեդինա: Մահմեդի փախուստը կամ Հիջրան պատահեց 622 թ.: Մահմեդականներն այդ ժամանակուանից են հաշոււմ իրանց տարեթիւր:

Մեդինայի բնակիչներից շատերն իսկոյն ընդունեցին Իսլամը և դրանից լետոյ Մահմեդի բաղդի անիւր շարժուեց առաջ ու առաջ: Ամեն տեղ նա իրան յատուկ ճարպիկութեամբ ուսումնասիրում էր ամբոխի թոյլ կողմերը և իր քարոզներն յարմարեցնում տիրող հանգամանքերին, սոցիալական պայմաններին: Սկզբում նա իրան զէնք էր ընտրել խօսքը, բայց երբ նրա հետևողները բազմացան, երբ մահմեդականութեան սերմերը տարածուեցին Արաբիայի շատ անկիւններում, այն ժամանակ նա աւելի ազգու միջոցի դիմեց և սուրը իբրև հաւատի դործիք հրատարակեց: Մարգարէի դրութիւնը դրանով փոխուեց: Համեստ քարոզից նա մի աճող զօրութեան քաջարի առաջնորդ դարձաւ:

Արաբիայի կռապաշտ ցեղերը դիւրութեամբ ընդունեցին նոր կրօնը, որ գրգռում էր նրանց կրքերը առատ աւարի յոյսերով և Փանտաստիքական գոյներով պատկերացնում հանդերձեալ կեանքը հուրիների աշխարհում: Մահմեդը մի քանի տարի շարունակ արշաւանքներ էր գործում թշնամի ցեղերի դէմ և նրանց ստիպում էր ընդունել Իսլամը: Նրա հաւատարիմ աշակերտները մէկ-մէկ փորձա-

Մահմեդի
115
125



ուս զօրավար էին դարձել և մեծ հռչակ ստացել ամբողջ Արաբիայում:

Ղուրանի պատուէրները Մահմեդը մեծ մասամբ յարմարեցնում էր շրջապատող հանգամանքներին, սակայն աւելի նախապատիւ էր համարում իր անձնական շահերն ու դիտումները: Սրինակ՝ նա սկզբում կողմնակից էր միակնութեան, բայց երբ կարիք զգաց մի քանի կին ունենալու, այն ժամանակ հրատարակեց Ղուրանի մի սիւրան և թողատրեց բազմակնութիւնը: Սկզբում արաբացի կանայք բոլորովին ազատ համարձակ ման էին գալիս և խօսակցում տղամարդկանց հետ, բայց երբ կասկածներ ծագեցին, թէ Մահմեդի Այիշէ կինը դաւաճանել է ամուսնուն և յարաբերութիւն է ունեցել ուրիշի հետ, այն ժամանակ մեծ մարգարէն բոլոր կանանց հրամայեց տանը փակուած մնալ, ստար մարդկանց հետ չըխօսակցել և երեսները շղարշով ծածկել: Շատ հասկանալի է, որ մի այդպիսի ճկուն կրօն, որ գիտէր իր հետևողների աշխարհային պահանջների համեմատ կերպարանափոխուել, արագութեամբ պիտի տարածուէր: Եւ այդպէս էլ եղաւ: Մահմեդը սկսեց քարոզել 612 թ. Մեկկայից փախաւ 622 թ., իսկ մեռաւ 633 թ., թողնելով բազմաթիւ մահմեդականներ, գրեթէ կազմակերպուած իսլամական մի պետութիւն, որը յետոյ հսկայական քայլերով շարունակեց յաղթական արշաւանքները: Մեռնելուց առաջ նա իր մուլեանդ հետևողներին պատուիրեց. ա) Արաբիայից հալածել բոլոր կռապաշտներին. բ) Հների հետ

հաւասար իրաւունք տալ նորագարձներին. գ) Մըշտտայէս աղօթք անել:

Մահմեդի մահուան պատճառը նրա աղախին Կայբարի տուած թոյնն էր: Նրան թաղեցին Մեդինայում՝ մզկիթի մէջ, որը մինչև օրս էլ ուխտատեղի է ջերմեռանդ Մուսլէմների համար:

Մեռաւ «մեծ մարգարէն», բայց նրա աշակերտները շարունակեցին սկսած գործը: Մի քանի տարուց յետոյ Իսլամը արդէն բոյն էր գրել թէ Ասիայում, թէ Եւրոպայում և թէ Աֆրիկայում: Ներկայումս ամբողջ մարդկութեան գրեթէ մէկ եօթերորդ մասը—(մօտ 200 միլիօն) դաւանում է Մահմեդականութիւն, որ դեռ այժմ էլ տարածւում է վայրենի ցեղերի մէջ: Մահմեդականներն ապրում են գլխաւորապէս հետևեալ երկրներում.

— Ռուսիայում—11,000,000, Թիւրքիայում—17,700,000—(որից 2,300,000 Եւրոպական Թիւրքիայում, իսկ 15,400,000 Ասիական Թիւրքիայում) Պարսկաստանում, Բելուջիստանում և Աղուանիստանում ի միասին—13,000,000. Բուխարայում և Խիւայում—3,200,000. Քուլդարիայում, Ռումինիայում, Սերբիայում, Յունաստանում, Բոսնիայում և Հերցոգովինիայում ընդամենը 13,000,000. Հնդկաստանում և բրիտանական միւս հողերում—15,000,000, Չինաստանում—4,000,000, Սուդանում—25,000,000 և Աֆրիկայում—2,000,000:

Վերոգրեալ թուերն արդէն ցոյց են տալիս, թէ Իսլամը որքան աջողութիւն է ունեցել, որքան խոր արմատներ է ձգել աշխարհի այլ և այլ կող-

մերում: Սակայն այդ աշողութեան պատճառ են եղել ոչ թէ վեհուժիւնն ու մաքրութիւնը, այլ արեւելեան ազգերի վառ երեւակայութեանն ու բնատուր հակումներին համապատասխանող խօստումները և հուր ու սուր քարոզող պատուէրները, որոնց մասին դաղափար կարող է տալ Ղուրանը:

III

Գրեթէ ամբողջ մահմեդական կրօնը ամփոփուած է Ղուրանի մէջ: Ղուրանը, որ իր անունն ստացել է արաբական «Կորա»—(ընթերցանութիւն) բառից, մի ժողովածու է զանազան քարոզների, դատողութիւնների և պատահարների: Մահմեդը միշտ իր մօտ պահում էր քարտուղարներ և մերթընդ մերթ թելադրում նրանց Ղուրանի սիւրաները, որ գրում էին մազաղաթի, քարի և այլ բաների վրայ: 645 թուականին խալիֆ Օմարի յանձնարարութեամբ Չայդ Բէն Սաբէտը, Աբդուլլահ Բէն Չիւբեյրը, Սայիդ Բէն—ալ Ասուն և Աբդուռահման Բէն Նարիսը այդ բոլորը հաւաքեցին միատեղ և կազմեցին Ղուրանը, որի մէջ ոչ նիւթերի պատշաճաւոր ընտրութիւն կայ և ոչ էլ դոնէ ժամանակագրական կարգ: Այդտեղ պատահում են մանրամասն պատուիրաններ, թէ ինչպէս պէտք է աղօթել, ուտել, խմել, հագնուել և աշխարհային կեանք վարել: Մի խօսքով՝ Ղուրանը Մահմեդականների համար կրօնական—քաղաքացիական օրէնքների մի խառնիճաղանճ հաւաքածու է:

Ղուրանում Մահմեդն ասում է, որ ինքը նոր կրօնի քարոզիչ չէ, այլ Հնի վերականգնիչ: «Իսլամը, ասում է նա, Նոյի, Աբրահամի, Մովսէսի, Յիսուսի կրօնն է*...» Իսկ մի ուրիշ գլխում աւերացնում է. «ասա, մենք հաւատում ենք Աստծուն և այն բանին, ինչ որ նա ուղարկել է մեզ, ինչ որ բացայայտել է Աբրահամին, Իսմայէլին, Իսահակին և նրանց ժառանգներին: Հաւատում ենք Ս. Գրքերին, որ երկնքից ստացել են Մովսէս, Յիսուս և միւս մարգարէները: Մենք տարբերութիւն չենք դնում զբանց մէջ և հպատակ ենք Տիրոջ կամքին**...»

Մահմեդականութեան հիմնաքարն է կազմում Աստծու միութիւնը: «Չկայ Աստուած բացի Աստծուց և Մահմեդը նրա մարգարէն է», ասում է Ղուրանը: Բացի զբանից, նա պատուիրում է հաւատալ նաև հրեշտակներին կամ սպասաւոր ոգիներին, մարգարէներին, մարմնի յարութեանը, վերջին դատաստանին և ճակատագրին: Նրա գեղեցկահիւս աւանդութիւնները հրեշտակների, մարգարէների, չար և բարի ոգիների մասին քաղուած են մեծ մասամբ Ս. Գրքից և հրէական Միշնուից ու Թալմուդից:

Մահմեդը վախենում էր, թէ իր հետևողները նորից կռապաշտութեան մէջն ընկնին, ուստի արգելեց նրանց պարապել զեղարուեստով, օր. քանդակագործութեամբ, նկարչութեամբ, որովհետև դրանց արտադրած առարկաները որոշ չափով ա-

*Ղուրան՝ 42 սիւրա, 11 այեաթ:

**Ղուրան՝ 3 սիւրա, 78 այեաթ:

ուրնչութիւն ունէին կուռքերի հետ:

— Ո՛վ հաւատացեալներ, գինին, արձանները, վիճակ բաց անելլ: սատանայի գործեր են, հեռու մնացէք դրանցից, որպէսզի բախտաւոր լինիք, ասում է Մահմեդը. իսկ մահմեդականների աւանդութիւնը դրա վրայ աւելացնում է.

— Երաժշտութիւն լսելը մեղք է և օրինազանցութիւն, նրանով պարապելը—անբարոյականութիւն, իսկ նրանից բաւականութիւն ստանալը—անհաւատութիւն:

Հարկաւոր է նկատել, որ Ղուրանում պատահում են նաև շատ մարդասիրական պատուէրներ, ինչպէս օրինակ հետևեալները.

— Ուրբիշին անիրաւութիւն մի անիր, որ քեզ էլ նոյնը չանեն: Եթէ պարտապանը դժուարանում է պարտքը վճարել, պարտատէրը պէտք է կամ սպասէ կամ բոլորովին ընծայէ, իբրև ողորմութիւն: Սգուտ մի քաղիւր ուրբիշի նեղ դրութիւնից՝ նրանից շահով բան գնելու համար, այլ թեթևացրու նրա վիճակը: Կերակրիր սովածին, այցելիր հիւանդին և ազատիր կալանաւորին, եթէ անմեղ է: Արհամարանքով մի նայիր ընկերիդ, մի էլ գոռոզաբար քայլիր, որովհետև Աստուած չի սիրում լանդուզներին ու մեծամիտներին. .

Իսլամական կրօնը բաժանւում է երկու մասի՝ ա) հաւատ և բ) ծէս: Հաւատը բաղկացած է հետևեալ 6 մասերից: Հաւատալ՝ 1) միակ Աստուծուն 2) նրա հրեշտակներին, 3) նրա գրքին—Ղուրանին

²Սուրա 5, այլաթ 92:

4) մարդարէններին, 5) յարութեան և վերջին դատաստանին և 6) նախասահմանութեան կամ ճակատագրին:

Հաւատալ միակ Աստուծուն. դրանով Մահմեդը ուսուցանում է, թէ էր և յաւիտեան կլինի մի Աստուած—Սրարիչ ամենայնի, որ միակ է, անփոփոխ, ամենագէտ, ամենակարող և ամենաողորմ... «Լա իլահա հիլլ Ալլահ, Մուհամեդին ըրուսուլ Ալլահ», այսինքն «Ձկայ Աստուած բացի Աստուծոց և Մահմեդը նրա մարդարէն է»—ահա այդ է իւրաքանչիւր մահմեդականի նշանաբանը. օրական հինգ անգամ այդ է լսում իւրաքանչիւր մզկիթի գազաթից-մուէզզինի բերանից:

Հաւատալ հրեշտակներին. Ղուրանը ասում է, որ մարդիկ ստեղծուած են հողից, իսկ հրեշտակները՝ կրակից. հրեշտակները ապրում են երկնքում և սպասաւորում ամենակարող Աստուծուն: Նրանք անմեղ են, չափազանց գեղեցիկ և մշտապէս երիտասարդ. թէև միւս արարածների նման վերջ ի վերջոյ պիտի մեռնեն: Հրեշտակների պարտականութիւնն է հսկել մարդկանց վրայ, արձանագրել նրանց գործերը և այդ մասին հաշիւ ներկայացնել Ամենաբարձրեալին:

Հաւատալ Ղուրանին. Մահմեդը պնդում է, որ իր աւանդած օրինադիրքը կամ Ղուրանը ճիշտ այն գրքի պատճէնն է, որ արձանագրուած է երկնային տախտակների վրայ: Նրա ամբողջ բովանդակութիւնը Գաբրիէլ հրեշտակապետն է արտագրել և իրան հաղորդել... Այդ պատճառով էլ

իւրաքանչիւր մահմեդական խորին երկիւղածութեամբ հաւատում է նրա ամեն մի խօսքին: Նա երդուում է Ղուրանով, մանկութիւնից սովորում է կարգալ այդ ս. գիրքը, թէև առանց հասկանալու բովանդակութիւնը: Թէ տաճիկների և թէ պարսիկների դպրոցներում ամենազլխաւոր դասագիրքը Ղուրանն է: Մահմեդն ասում է, որ Աստուած զանազան ժամանակներում իր մտքերը յայտնել է մարգարէների միջոցով, ուստի պիտի հաւատալ դրանց զրած գրքերին: Ղուրանի ասելով ս. գրքերը ընդամենը 104 հատ են. այսինքն 10 Ազամի, 50 Սէթի, 30 Ենովքի, 10 Աբրահամի, իսկ մնացած 4-ն են՝ Հին Կտակարան, Օադմոս, Աւետարան և Ղուրան, որոնք գրուել են Մովսէսի, Դաւթի, Յիսուսի և Մահմեդի ձեռքով: Սակայն ս. գրքերի մէջ զլխաւորը Ղուրանն է, որովհետև նա գրուած է բոլորից յետոյ, ամենամեծ մարգարէի ձեռքով և իր մէջ պարունակում է Աստուծոյ պատուիրանների կատարեալ լրացումը—կնիքը:

Հաւատալ մարգարէներին. Ղուրանի ասելով, մարգարէները բազմաթիւ են, բայց ամենից մեծը, ամենից զլխաւորն է միայն Մահմեդը, որ ուղարկուած էր մոլորուած մարդկութեանը ճշմարիտ կրօն քարոզելու: Բոլոր մարգարէներն էլ, ասում է Ղուրանը, եղել են հասարակ մահկանացուներ, կերել, խմել, ամուսնացել, ապրել և մեռել են միւս մարդկանց նման: Տարբերութիւնը միայն այն է եղել, որ Աստուած նրանց հովանաւորել է և նրանց բերանով է իր կամքը յայտնել:

Հաւատալ յարուածութեանը և վերջին դատաստանին. այդ նիւթի մասին խօսելիս Մահմեդը քրիստոնէական դաւանանքի մի քանի մասերը խառնել է արաբական հրէաների մէջ ընդունուած կարծիքների հետ: Նրա ասելով, յարութիւնից առաջ տեղի կունենան հետեւեալ նշանները. լուսինը կխաւարի, սուտ քրիստոսը կամ նեւը (Մեսիէ էլ տէճճալ) երևան կգայ. արեգակը արևմուտքից կձագէ, արիւնահեղ պատերազմներ կլինին, ամբողջ մարդկութեան մէջ սարսափելի իրարանցում—խառնակութիւն առաջ կգայ, այնպէս որ իւրաքանչիւր մարդ, մեռելների հանգստութեանը նախանձելով, կբացականչէ. «երանի, թէ ես էլ գերեզմանում լինէի:» Սոսկալի օրուայ վերջին ահեղ նշանը կլինի Բզրաֆիլ հրեշտակի փողի ձայնը, որի հնչիւնից երկիրը կըսասանի, դղեակները և աշտարակները փուլ կգան, լեռները դաշտերի հետ կհաւասարուին, արևը, լուսինը և աստղերը ծովը կթափուին, մարդկային ազգը կզարհուրի, եղբայրը եղբորից կփախչի, մայրը՝ որդուց, ամուսինը՝ ամուսնուց, բոլոր գազանները վախից կմոռանան իրանց թշնամութիւնը և մի երամ կկազմեն...

Փողի երկրորդ ձայնը լսելիս հրեշտակները, դուերը, մարդիկ, անասունները—մի խօսքով բոլոր կենդանի արարածները կմեռնեն՝ բացի Աստուծոյ խնայած սակաւաթիւ ընտրեալներից: Բոլորից յետոյ կըմեռնի մահուան հրեշտակը—Ազրայիլը:

Վերջապէս կըլսուի փողն երկրորդ հնչիւնը և դա կլինի կոչ դէպի ահեղ դատաստանը: Այդ հրն-

չիւնը լսուելուն պէս՝ ամբողջ տարածութիւնը կը-
 ւցուի մեռելների հողիներով, երկիրը կպատուէ,
 նրա միջից գուրս կգան դիակները, կմիանան հո-
 դիների հետ և այդ բոլորից յետոյ կգնան հաշիւ-
 ներկայացնելու, թէ ինչպէս են կեանք վարել, թէ
 գործեր են կատարել: Գաբրիէլ հրեշտակատե-
 առանձին կշեռքով կըկշռէ իւրաքանչիւր մարդու
 բարի և չար գործերը և ապա բազմութիւնը կը-
 գնայ Մահմեդի առաջնորդութեամբ Ալ—Սերաթ
 կամուրջն անցնելու: Այդ կամուրջը սրի ծայրի
 նման նուրբ է և ձգուած է անգնդախոր ջեհէն
 դեմի վրայ: Անհաւատները և մեղաւոր Մուսլէմ-
 ները, խաւարի մէջ խարխափելով կընկնին անդունդ—
 դժոխքը, իսկ ուղղափառ և արգար մուսլէմները
 թռչունի նման կթռչեն և կմտնեն արքա-
 յութիւն—ջեհննաթը:

Ղուրանի նկարագրած ջեհէնդեմը կամ դժոխ-
 քը մի այնպիսի սարսափելի տեղ է, որ երևակայել
 անգամ չի կարելի. այդտեղ ծառերի վրայ ճիւղերի
 փոխարէն օձեր են գալարուում և պտուղների փո-
 խարէն դեերի գլուխներ բուսնում: Թշուառ մե-
 դաւորները պիտի այրուեն կրակով և եփ գան ե-
 ուացող ջրի մէջ: Նրանց կերակուրը պիտի լինի
 փուշ ու տատասկ: Գրախոր կամ ալ ջեննաթը
 դրա կատարեալ հակապատկերն է ներկայացնում:
 Գա մի հրաշալի այգի է, ուր հոսում են բիւրեղի
 նման մաքուր գետերը՝ երանելի արգարներին կաթ,
 գինի և մեղր մատակարարելով, ուր բուսնում են
 հազարաւոր տեսակ ծառեր, ծաղիկներ, մրգեր

պտուղներ, ուր ճանապարհները ծածկուած են
 մարգարտով ու անուշաբույր ծաղիկներով, ուր օդը
 լի է Խզրաֆիլ հրեշտակի քաղցրանուագ դաշնակ-
 ներով և եղեմական կոյսերի երգերով... Ջեննաթի
 երջանիկ բնակիչները հազնում են ականակուռ
 զգեստներ և ոսկեայ թագեր, ապրում են հոյակապ
 պալատներում կամ մետաքսէ վրաններում: Նրան-
 ցից իւրաքանչիւրն հարիւրաւոր սպասաւորներ—
 ծառաներ ունի: Եւ այդ երջանկութեան լրացումն
 են կազմում սեւաչեայ ու մշտագեղ կանայք—հու-
 րիները: Ամեն մի հաւատացեալ 72 այգիսի հու-
 ներ կունենայ և որպէսզի այդ երանելի աշխարհի
 բազմաթիւ բարիքները վայելել կարողանայ, նա
 դրախտ կմտնի 30-ամեայ ամենաառույգ տղամարդու
 հասակով և երբէք չի ծերանայ...

Հաւատալ նախախնամութեան կամ
 ճակատագրին, մարդկանց ոչ մի դժբախտու-
 թիւն չէր պատահի, եթէ նախասահմանած չլինէր,
 ասում է Ղուրանը և իւրաքանչիւր մահմեդական
 գեռ մանկութիւնից հաւատում է, որ ծնուած օրից
 արդէն որոշուած է, թէ ով թնչքան և ինչպէս
 պետքէ ապրի և ինչ մահով պետք է մեռնի:

«Ալլահ ալէմ—Աստուած գիտէ», կրկնում է
 մահմեդականը ամեն մի դէպքում: Նախասահմա-
 նութեան հաւատալը ոչ միայն վնասում է առող-
 ջութեանը, այլ և փչացնում է բարոյապէս և վար-
 փեցնում է լինել ծոյլ և անհոգ, որովհետեւ թէ աղ-
 քատութիւն, թէ հարստութիւն, թէ հրդեհ և թէ
 հիւանդութիւն՝ այդ բոլորն էլ նախապէս որոշ-

ուած են Աստծոյ կամքով, հետեապէս իզուր են մարդու ջանքն ու աշխատանքը: ձակատագրին հաւատալը, վնաս հասցնելով մահմեդականների քաղաքակրթութեանը, միւս կողմից մեծ ծառայութիւն է մատուցանում պատերազմի դաշտում...

Այդ հաւատն է, որ վճռողականութիւն և հերոսական արիւթիւն է ներշնչում թէ տաճիկներին և թէ բոլոր միւս մահմեդականներին: Եւ միթէ մահմեդականը կարող է այլ կերպ վարուել, երբ հաստատ հաւատացած է, որ թէ տան մէջ և թէ պատերազմի դաշտում իրան ոչ մի վտանգ չի պատահիլ, եթէ նախապէս որոշուած չէ: Միթէ նա կարող է ջերմեռանդութեամբ չըկուռել, երբ յաղթելիս մեծ աւար պիտի ստանայ, իսկ սպանուելիս՝ արքայութիւն և բազմաթիւ հուրիներ:

Ինչպէս վերևում ասացինք, Իսլամական կրօնի երկրորդ մասը ծէսն է: Նա բաղկացած է հետեւեալ բաժիններից.

Ա ղ օ թ ք. Ղուրանը շատ մեծ նշանակութիւն է տալիս աղօթքին և մանրամասն կերպով որոշում է, թէ աղօթողը ինչ դիրք պիտի բռնէ և ինչպէս աղօթէ: «Մարմնի մաքրութիւնը հոգու մաքրութեան նշան է», ասում է նա և բոլոր մահմեդականներին պարտաւորեցնում աղօթքից առաջ լուացուել: Իւրաքանչիւր հաւատացեալ պարտաւոր է օրական հինգ անգամ աղօթել՝ երեսը Քեաբէ, այսինքն դէպի Մեկկա դարձրած: Մահմեդականներին աղօթելու հրաւիրելու համար Մուէզզինը մզկիթի ծայրից ամեն օր պարբերաբար հնչեցնում է մելա-

մաղձոտ ազանը.— «Մեծ է Աստուած (կրկնում է չորս անգամ): Ես վկայում եմ, որ չկայ Աստուած, բացի Աստծուց (2 անգամ): Ես վկայում եմ, որ Մուհամեդը նրա մարգարէն է (2): Եկէք աղօթելու (2): Եկէք փրկութեան տաճարը: Մեծ է Աստուած (2): Չկայ Աստուած բացի Աստծուց և Մուհամեդը նրա մարգարէն է»:

Կանայք իրաւունք չունին մզկիթում տղամարդկանց մօտ կանգնելու, որովհետեւ դրանով կարող են զրուել բարեպաշտների ուշադրութիւնը և նրանց մեղքի մէջ ձգել: Այդ պատճառով իւրաքանչիւր մզկիթում կանանց համար առանձին բաժին կայ շինած:

Ո Ղ Ո Ր Մ Ո Ւ Թ Ի Լ Ն. Ղուրանը ողորմութիւնը բաժանում է երկու մասի—գէկաթ կամ օրէնքով սահմանուած տասանորդ և սեղակատ, այսինքն կամաւոր ողորմութիւն: Կարօտեալներին ողորմութիւն տալով, ամեն մի մահմեդական կարող է իր համար հարթել—նախապատրաստել ջեննաթի ճանապարհը:

Պ ա հ ք. Իւրաքանչիւր մահմեդական պարտաւոր է տարին 30 օր, այսինքն Ռամազան ամսին արեւի ծագելուց մինչև մայր մտնելը խստիւ հրատարուել ուտել—խմելուց, լողանալուց, կանանց հետ մերձաւորութիւն ունենալուց և ուրիշ վայելքնէ՞րից: Դրանով նա կմաքրէ իր հոգին և կարժանանայ մարգարէի խընամքին:

Ո Լ Խ Տ Վ Ա Ղ Ն Վ Յ Ո Ւ Թ Ի Լ Ն. ամեն մի մահմեդական պէտքէ գոնէ մի անգամ ուխտ գնա,

Մեկկա, Մեղինա կամ իր տեղն ուրիշին ուղարկէ: Երկրորդ գէպը ուխտագնացը պարտաւոր է աշօթքի մէջ միշտ լինել ուղարկողի անունը: Ուխտագնացութեան սովորութիւնը վերցրած է կռապաշտ արաբներից և կատարուում է ճիշտ նրանց ձևով: Ուխտ գնացողը պէտք է ճանապարհին չբժիշկէ ոչ ոքի հետ, հեշտութեամբ համբերէ ամեն նեղութեան, նպաստէ ուղեկիցների մէջ հաշտութիւն ու մտերմութիւն պահպանելուն և առատ ողորմութիւն բաժանէ:

IV

Ղուրանում բաւական մեծ տեղ են բռնում այն պատուէրները, որոնք բնորոշում են մահմեդականների վերաբերմունքը դէպի այլակրօնները, որոնք որոշ չափով նպաստել են Իսլամի շուտափոյթ տարածմանը: Իսլամը սկզբում հիմնուած էր հեզութեան և մարդասիրութեան վրայ: Մեկկայում եղած ժամանակ Մահմեդը հակառակ էր բռնի կերպով կրօնը տարածելուն: «Կրօնների մէջ ինչ հարկաւոր են ստիպողական միջոցներ .. Հոգին կարող է հաւատալ միայն Աստուծոյ կամքով», *ասում էր նա, իսկ քրիստոնեաների մասին առանձնապէս պատուիրում էր. «Ս. Գիրքը կարգացողների հետ միայն լաւ բաների մասին վիճիր և եթէ պատահի սխալամիտը, ասս. ամենք հաւատում ենք այն ամե-

* Ղուրան, 10 սիւրա, 100 այեւթ.

** " 29 " , 45 "

նին, ինչ որ ուղարկել է Աստուած թէ ձեզ և թէ մեզ համար. ձեր և մեր Աստուածը մէկ է. մենք հնազանդ ենք նրան*»: Սակայն երբ նորագարձները բազմացան, երբ Մահմեդի շուրջը մեծաթիւ զինավարժ մարդիկ հաւաքուեցան և նա զգաց, որ կարող է արդէն հեզութեան ու համբերատարութեան քողի տակից դուրս գալ և ուժով գործել, այն ժամանակ մի համարձակ քայլ արեց և նոր կրօնը սրի և բռնութեան կրօն դարձրեց:

— Կռուեցէք անհաւատների հետ, ասում է Ղուրանը, մինչև որ վերջանայ. մուրուութիւնը և ամեն տեղ հաստատուի ձեր կրօնը ***... Անհաւատներին պատահելիս սպանեցէք, մինչև որ բոլորովին ոչընչանան: Գերիններին պահեցէք պինդ շղթայած ... Մարգարէ, նախանձախնդրութեամբ կռուիր անհաւատների, կեղծաւորների հետ և եղիր դաժան ու անզուլթ նրանց վերաբերմամբ: Գեհենն է նրանց բնակարան***:

Սյդ միւսնոյն հարցը աւելի բնորոշ գոյներով պարզում է Մահմեդի հրատարակած հետեւեալ հրովարտակը.

— Աստուած զանազան մարգարէներ ուղարկեց իր պէս—պէս յատկութիւնները քարոզելու համար. Մովսէսը նրա գլխութիւնն ու խնամատարութիւնը փառաբանեց, Սողոմոնը՝ նրա իմաստութիւնը, մեծութիւնը և փառքը. Յիսուսը՝ արգարութիւնը,

* Ղուրան 8, 40.

** " 47, 4.

*** " 9, 4.

ամենագիտութիւնը և զօրութիւնը. — արդարութիւնը՝ իր սուրբ վարքով, ամենագիտութիւնը՝ մարդկային սրտի գաղտնիքներն իմանալով և զօրութիւնը՝ իր գործած հրաշքներով: Սակայն այդ յատկութիւններից ոչ մէկը բաւական չեղաւ մարդկանց համոզելու համար. նոյն իսկ Մովսէսի և Յիսուսի հրաշքները անհաւատ մեկնութիւն ստացան: Ահա այդ պատճառով ես ուղարկուած եմ սուսերով: Իմ վարդապետութեան քարոզիչները ոչ փաստերի թող դիմեն և ոչ էլ համոզման, այլ սրով թող կոտորեն այն մարդկանց, որոնք չեն հնազանդուիլ Իսլամի օրէնքին: Ճշմարիտ հաւատի համար մարտընչողը թէ յաղթելու և թէ սպանուելու դէպքում փառաւոր վարձատրութիւն կստանայ... Ս ու ը ը երկնքի բանալին է: Ով որ մերկացնէ նրան յանուն հաւատի, նա մեծամեծ բարիքներով կվարձատրուի, նրա արեան ամեն մի կաթիլը, ամեն մի չարչարանքն ու վտանգը երկնքում աւելի ընդունելի կհամարուի, քան թէ պահքն ու աղօթքը: Եթէ նա մեռնի պատերազմի դաշտում, իսկոյն կջնջուին նրա մեղքերը և նա արքայութիւն կտարուի՝ սեւչեայ հուրիների գրկում երանելի երջանկութիւն վայելելու համար...

Այդպիսի խոստումներ պարունակող կրօնը առանձնապէս սիրելի էր արաբների համար, որովհետեւ յարմար էր նրանց բարքին, ձեռնուտ էր աւազակային հակումներին: Ուրեմն բոլորովին զարմանալի չէ, որ անապատի գաւազները, սուր քարոզող կրօնի հրաւերը լսելուն պէս՝ գունդագունդ

հաւաքուեցին մարգարէի դրօշակի տակ: Այդպիսով կազմուեց մի ահեղ զօրութիւն, որ կարճ ժամանակում նուաճեց ընդարձակ երկիրներ:

Ճ ը հ ա գ ը — սրբազան պատերազմը իւրաքանչիւր մահմեդականի պարտականութիւնն է: Նրանից հրաժարուելու իրաւունք ունին միայն կաղերս ու կոյրերը:

Մահմեդականների կարծիքով ամբողջ աշխարհը բաղկացած է երկու մասից՝ «Դարու-լ-Իսլամ», այսինքն «Իսլամի երկիր» և «Դարու-լ-Հարբ», այսինքն «պատերազմների երկիր», որտեղ ապրում են ալլակրօնները. դրանց ուղիղ ճանապարհի վրայ կանգնեցնելու համար անհրաժեշտ է անդադար պատերազմ մղել: Եւ մահմեդականները բաւական եռանդով կատարեցին այդ գործը: Մահմեդի մահից յետոյ Իսլամը ամենամեծ չափով տարածուեց գլխաւորապէս առաջին չորս խալիֆների, այն է՝ Աբուբէքրի, Օմարի, Օսմանի, Ալիի ժամանակ: Միայն Աբուբէքրի խալիֆայութեան ընթացքում մահմեդականները աւերեցին չորս հազարից աւելի եկեղեցիներ և շինեցին մօտ հազար չորս հարիւր մզկիթ*:

Դարերի ընթացքում մղած պատերազմները զարգացրին մահմեդականների անգթութիւնը, կոպտացրին զգացմունքը և աճեցրին գազանային բնագրը. այնպէս որ այժմ նրանցից շատերը մի սուրբ գործ են համարում անհաւատներին սպանելը, նրանց կանանց ու աղջիկներին բռնաբարելը, անմեղ երեխաներին մորթելը և իզուր տեղն ամբողջ գիւղ

*Sko Дреперъ: „Исторія умственнаго развитія Европы“ к.р. 273

ու քաղաքներ ոչնչացնելը:

Կրօնական աշատերազմները վերջ ի վերջոյ պատուհաս դարձան ոչ միայն անհաւատների—քրիստոնեաների, այլ և իրանց մահմեդականների համար: Նրանք հաւատացեալ միւսլէմներին դարձրին մի աւերիչ-կործանիչ ոյժ և զարգացրին նրանց գազանախին բնազդը ի վնաս քաղաքացիական խաղաղ կեանքի: Ներկայումս ամեն մի միւսլէմի համար սովորութիւն է դարձել՝ այրել, թալանել և ապրել ուրիշի հաշուով: Բայց ամեն մի երկիր, որտեղ ժողովրդի մի մասը տգրուկի նման սպառում է միւսի աշխատածը, վերջ ի վերջոյ պիտի քայքայուի տընտեսապէս, պիտի կազմալուծուի: Եւ Իսլամական բոլոր երկրներն ենթարկւում են այդ պրօցէսին:

—Ով որ շատ ու քիչ տեղեակ է ժամանակակից եղելութիւններին, ասում է Ռընան*, նա յայտնապէս կտեսնի մահմեդական երկրների այժմեան ստորացած վիճակը և Իսլամի ձեռքով կառավարուած ազգերի բարոյական—տնտեսական անկումը: Ով որ ճանապարհորդել է արևելքում կամ Աֆրիկայում, նա անշուշտ կվկայէ, որ իւրաքանչիւր մահմեդականի գլուխ ճնշուած է Ղուրանի կաշկանդիչ շղթաներով և անընդունակ է մի կարգին բան սովորելու կամ մի որ և է նոր գաղափար ընդունելու: Մահմեդական երեխան դեռ մատաղ հասակից, իր կրօնական ուսումնառութեան ընթացքում վարժւում է մոլեռանդութեան մէջ և Ղուրանի մի քանի սիւրաներն անգիր անելով, կարծում է, թէ

* „Исламъ и наука“

արդէն ըմբռնել է ճշմարտութիւնը, գիտէ շատ բան: Նա հպարտանում է այն ամենով, ինչ որ իսկապէս նրա թերութիւնն է կազմում: Այդ անմիտ հպարտութիւնը իւրաքանչիւր մահմեդականի պակասաւոր կողմն է: Ամեն մի մահմեդական հաւատացած է, թէ Աստուած, առանց ուշք դարձնելու ուսման և անհատական արժանիքների վրայ, կպարգևէ ում ինչ կամենայ և այդ պատճառով էլ Իսլամի գաւակները ատում են ուսումը, գիտութիւնը և այն ամենը, ինչ որ Եւրոպայի ոգի է կազմում: Սակայն ատելով գիտութիւնը, սպանելով քաղաքակրթութիւնը, Իսլամը սպանեց իրան և կատարեալ ստորութեան դատապարտեց իր դաւանանքը:

—Ներկայումս, երբ ազգերի մրցման գէնքը գլխաւորապէս գիտութիւնն ու կրթութիւնն է, մահմեդական տարրը չի կարող առաջադիմել, որովհետեւ շղթայուած է Ղուրանի յետադէմ գաղափարներով: Իսլամը դաւանող պետութիւնները չեն կարող երկար գոյութիւն ունենալ, որովհետեւ թալանն ու կոտորածն է նրանց յատկանիշը:...



5000



« Ազգային գրադարան



NL0174374